

磴之狀不侯不還天也伯察其如命何蓋感
名必遭手坎壞之變然此鬼常作於沉痾之
後鶴之飯也何罪驚之鐵也何時改龜尚堪
一行榻熟敵能再接正恐洗脚失財之誦反
貽引手下石之譏既承口告以丁寧緬想足

音而喜躍以德報怨既無厭於老拳勉力學
行幸不忘於故故憂人之憂樂人之樂雖孔
孟以為難言溺已之溺饑已之饑此禹稷之
所自誓善救物則無棄物可與言亦不失言
欲求六尺之藤須得三年之艾橘毫作報尚
懷脫脫之虞倒徒以迎少俟下車之問揚鞭
致謝驅履何疑

幼婚啓白水梁聘祐入黃

言念兩家生子巧如同隊之魚二世聯姻卜
協和鳴之鳳朱陳有舊齊鄭維新愛久托於
青山盟用伸於白水因緣果在欣幸猶多况
令孫女德遜遺風將喜下琴而得趣而珠男
詩書卷志未能授筆以成文雖是因親何妨
及幼可以為黃之倩皆曰真梁之妻時然後
言好奉蘋蘩而盡職禮其尚質敬脩椿粟以

告處不映彞儀具陳右幅謹奉啓以聞伏惟
尊慈俯賜鑒念不宣

上梁文

伏以三山環會爭傳福地太平一脉源流聞
道義門陰隲今任肯堂之責迺成作室之功

茲從龜從既叶卦中之吉人好鳥好果呈屋
上之祥恭惟其人繼業箕裘聞聲絃頌手中
圭出支童刀筆會中自有間架規模事出一
家喜見華樓之侈隱依百里具稱花縣之榮
一日跨新萬年壯麗自慚小匠未有高謀因

其所目經之營之豈敢是謂錫彼斧彼黃金
市上競誇范蠡之財綠水堂前願效老萊之
戲聊伸燕雀之賀屢試上蟬之高梁

詩曰

如君筆量棟梁材 也着工夫為刺裁

大厦萬間多巨庇 庭間又喜重三槐

徐仙翰藻卷之十四

梁燈聯

梁聯

本宮 聖主萬年道永綏於華夏 明神一
德福誕錫於邦家 鳩祚天長永紀萬年泰

運 鰲峰地壯保于四境昇平 華故島新
復恢大壯之規 否極泰來感遂同人之志
定光堂 佛法慈悲遍三千世界 神靈
溥博保萬古之廟堂 祈雨玉廟 聖天子
天長地久聖壽無疆 祈雨王兩順風調神
靈有感

慶賀燈聯

皇帝萬年億載海嶽效靈 天下八達四通
車書同道 聖壽萬安南極一星呈瑞 神
光三現東封八字增輝 惟皇建極天地節
四時成 大德曰生人民育五穀熟 聖人
有大德曰壽曰富曰多男 天下為一家子
繩于理于四海 皇都壯麗龍盤虎據勢重
萬鈞 天下太平狗吠鷄鳴聲四海 國朝
混一自北而南天寬地闊 世道太平復今

如古俗美風淳 昌曆文明太平之期當今
日 嘉禾豐稔東作之民喜有年 金闕壽
旦 金闕化身八十二相同名同號 玉卮
獻壽萬六千歲為春為秋 蓬萊總是神仙
客名在丹臺 南極現出老人星 光聯東井

玉闕壽旦 七月中元大慶旦壽獻金卮
五風十雨太平時祥呈玉燭 天生上相
讓萊公先一日之期 雷動歡聲效莊子八
千秋之祝 祥雲五色呈嘉瑞 歲樂三登
賀太平 玉闕雲開天咫尺 銀河水浸月

清光 天封丹鳳羨 地杜聳鰲峰 親睦
堂 蓮豆俱存周典禮 永冠復見漢威儀
高節全名同儔日 滿堂和氣一團春
文章千古事 忠孝一人心 聲名垂日月
道義重丘山 靈椿長不老 丹桂喜傳

芳 注生堂 仙妃共赴瑤池宴 男子須
知玉版書 玄圃千年桃獻瑞 燕山萬古
桂傳芳 衆梓聯陰同里社 芝蘭毓秀滿
階庭 箕裘傳世業 孤矢壯男兒
慶元宵燈聯

天開鳳曆國家社稷萬千年 地擁鰲峰登
大樓臺三五夜 元夕燈輝往來車馬三千
客 鰲山綵結富貴東南第一峯 蓮燈萬
斛樓臺夜月影交輝 斗米三錢里社春風
人快活 蓬萊三島神仙所居樓臺富貴

東壁二星圖書之府河漢文章 清廟顯相
四百年祀典森嚴 正月始和三五夜元宵
宴樂 日曠旌旗金姓字 雲開闔闔玉毫
光 廟祭千年存舊典 宣封八字修金書
登聯

真君受錄 皇帝壽祝萬年乾坤同久 天
師道尊百世日月常明 聖主開太平壽比
南山福如東海 仙道常自吉名在丹臺身
居赤城 瑤宮兩闕去天尺許平步雲梯
金書一札自日邊來辟躡星斗 齋戒沐浴

事上帝無二尔心 聰明正直之謂神克享
其德 紫泥宣詔修新封神靈光顯 青布
成羅符舊識人物奢華 普度醮 當今皇
帝享國萬年勢安磐石 元始天尊說經十
遍光現寶珠 泰山岩岩四嶽所宗致齋一

日 大維渺渺三界之上普度衆生 神京
萬八千里四國來朝 泰山七十二司衆生
受度 黃雲一朵凝靈府 甘露三千普濟
門 聖主與天齊壽萬代乾坤 老子以道
為宗四方日月

孤魂所燈聯
東妙嚴宮化現十方光呈瑞相 西那王國
彌羅大梵願度衆生 齋戒沐浴可事上帝
母二乃心 亡靈超度徑往南宮得參妙道
玉京山上去天尺五直透玄都 恒河沙

界遍地大千同乘妙道 大羅渺渺三界之
上九氣氤氳 泰山岩岩四嶽所宗萬神朝
禮 寶珠一黍米十方世界共觀光明 玉
笈幾函經億種萬曾普皆受度 東華淨境
西那王國奉戒修齋 南昌上官北都寒池

濟生度死 一洒冷冷甘露水 九玄豐登
上清橋 八色九章聞妙道 億曾萬祖上
朱宮 三塗解脫超三界 八色光明照八
方 聞經聽法共起慈悲 推食解衣一均
溫飽 血盆會 目連報母恩孝達乾坤神

(020) A 024-6

通第一 地蔽作教主法遍河沙世界三千
徐仙翰藻跋

文者包三材而為體散萬有而為用鴻濛混
而文未生鰲極判而文漸露天不受道故出
圖書於河洛寄之包攝神禹封而人之壽而

九之而人之始顯既泄於天而授之人天上
王樓亦將傲筆而長吉之手今又授而之神
神得以聘其能矣然未有如靈濟之神下筆

數千言錄而集之名曰徐仙翰藻或曰神之
盛則人之哀此陸雲玄學必得於冢中之談
易滕王閣記必得於長蘆之効靈非扶肘擊

口文未必工取筆還錦文思頓減人聽命於
神即神聽命於人耶驅瘡除魅等作惟昌黎
公足以當之如是謂人之文至於王知遠易

總郭公青囊書造物所甚秘者焉得不求之
於神誦神之文驗神之靈信乎言事驗為文
富也雖然驟語易者必玩神神而明之存乎

人神固不可盡洩於人人亦不可盡誣於神
蓋神無方而有知也文之靈也固宜然神之
靈也不可不知不可知則其謂之怪也亦宜苟

神矣何怪乎怪於神孔子不語也是以太公
之陰符經地上之老人篇苟非人則不傳神
亦豈易語人哉愚故謂神之文非誇奇闕異
也自述一記可以考神系之類未撫之韓昌
黎作姬王廟碑信有證也無徵不信矣且其

言曰婉婉偃王惟道之耽人思王恩記王之
孫是知鼻祖仁義一脉世有大功故其流澤
蕃衍或克至於今日休識者猶謂昔廟於衢

今廟於閩王之不戰不之彭城之越斯廟焉
又何有於閩余曰此姬王之孫其在於提師
入閩晉之開運二年中神之在天下如水在

地中無往而不存獨閩人信之深思之至建
祠之余何敢重贊一詞係之以詩曰
往古來今千百年 王之徽號至今傳
天燈獻瑞長為燭 溪水安流密護田

跡顯肇於開運始 廣成迄自政和前
鰲峰懋績垂青史 東壁奎又正嚴天
時大德乙巳仲春山長陳夢根拜手書

贊靈集目錄

卷之一

碑記

靈濟宮記

重修靈濟宮記

鰲峰神秀圖記

卷之二

表劄

賀真君寢封表

賀王闕瑞旦表

上真君祈安表

卷之三

序疏跋文

真君科式序

重修靈濟宮疏

上靈濟宮勅額文

上燕喜堂勅額文

謝雨丹悃

卷之四

詩

上真君詩

修靈濟宮誌銘

靈濟真人序

賀金闕瑞旦表

上上真君表

鄉民保真君奏劄

真君願序

徐仙翰藻跋

上親睦堂勅額文

謁靈濟宮